



**Handbüchlein/ Darinn Sonderbare bequemlichkeiten
vorgeschrieben werden/ die vornembste Vbungen eines
Andächtigen/ Gottseligen Lebens/ den Tag vber
vollkommentlich zuverrichten**

Mayer, Christian

Colon[iae], 1635

2. Weiß.

[urn:nbn:de:hbz:466:1-61192](https://nbn-resolving.org/urn:nbn:de:hbz:466:1-61192)

zu gebrauchē. Alhie erneuere gleiche Werk /
vnd setze dir festiglich für ins künfftig diese /
oder jene / auff diese oder jene Weiß / vnd ge-
legenheit zu üben / vnd zwar mit guter volle-
kommenheit / vnd vorgesezten Mitteln / be-
gehre im Gespräch / wie bräuchlich / ober-
flüssige genad.

II. Weiß.

Im 1. Punct / erwege die vortrefflichkeit /
Werk / vnd Staffelen solcher Tugent /
auch wie billich man sich fleissen soll / deren
Gipffel zu erreichen / du bevorab / dem Gott
so viel / vnd sonderbahre Mittel / vnd genad
gegeben hat.

Im 2. Punct / wie vortrefflich Christus
vnd Maria die Jungfrau selbige Tugent
im höchsten grad geübt / so wohl innerlich
als eusserlich.

Im 3. Punct / die Anreizungen darzu
wie da seynd / ihre Würdigkeit / Nutzbar-
keit / Lieblichkeit. Oder / daß durch sie geme-
ret werde der verdinst auffm Weg dieser Pil-
gerfahrt / der Trost am End des Lebens / die

Glori

Glory im Vaterland. Oder/daß GOTT
dardurch sonderbahrlich geehret / unsere
Seele gezieret / der Nächste erbarwet werde.

III. Weiß.

Im 1. Punct hat man zu erwegen / wie
Christus den ersten Act / oder das erste
Werk / auß den dreyen oben (I. p. Ca. 6. S. 4.
und 5.) verzeichneten außs aller vollkome-
lichste von seiner Kindheit an / biß ans drey-
sigste Jahr zur Zeit des Predigens / vnd
Lebens geübet hab. Oder die H. Jungfrau
in ihrer Kindheit vor der Empfängnuß / vnd
mit Christo / so lang er bey ihr gelebt / vnd
nach seiner Auffahrt / biß zu ihrem seeligen
Endt: wie aber du so vnvollkommen solche
geübet? da erwecke die Keckmütigkeit / vnd
begierd zur besserung / vnd vbe zugleich der
Längenach eben selbige Werk innerlich / vñ
tragees Christo / vnd Marie vor zu voll-
den. Gleicher Weiß erwege auch / wie Chri-
stus vnd Maria den anderen / vnd dritten
Act angetrieben / wie du ihnen gefolget / vnd
noch zu folgen gedenckest.

M m m iij IV. Weiß.